



ხულოს მუნიციპალიტეტში, გოდერძის უღელტეხილზე სამთო-სათხილამურო
კურორტის ფუნქციონირებისათვის საჭირო ძრავიანი თოვლმავალი
სატრანსპორტო საშუალებების (ბურანი) შესყიდვის
გამარტივებული ელექტრონული ტენდერის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“
საქართველოს კანონის 12¹ მუხლის და „გამარტივებული ელექტრონული ტენდერისა და
ელექტრონული ტენდერის ჩატარების წესის დამტკიცების შესახებ“ სახელმწიფო
შესყიდვების სააგენტოს თავმჯდომარის 2011 წლის 7 აპრილის
N9 ბრძანების საფუძველზე.

სარჩევი

1. ტექნიკური დოკუმენტაცია	3
2. სახელმწიფო შესყიდვის შესახებ ხელშეკრულების პროექტი	6
3. დანართი#1 – ინფორმაცია ფასებისა და მიწოდების ვადების შესახებ	11
4. დანართი#2 – ინფორმაცია ტექნიკური პარამეტრებისა და აღწერილობის შესახებ	12
5. დანართი#3 – ინფორმაცია შესყიდვის ობიექტის საგარანტიო ვადების შესახებ	14
6. დანართი#4 – პრეტენდენტის მიერ წარმოსადგენი რეკვიზიტები	15

ტექნიკური დოკუმენტაცია

1. შესყიდვის ობიექტი

ხულოს მუნიციპალიტეტში, გოდერძის უღელტეხილზე სამთო-სათხილამურო კურორტის ფუნქციონირებისათვის საჭირო მრავიანი თოვლმავალი სატრანსპორტო საშუალებები (ბურანი).

2. გამარტივებულ ელექტრონულ ტენდერში წარმოსადგენი დოკუმენტები და ინფორმაცია

2.1. როგორც იურიდიული პირის, ასევე ფიზიკური პირის მიერ წარმოდგენილი სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

ა) ინფორმაცია ფასებისა და მიწოდების ვადების შესახებ - დანართი #1-ის მიხედვით;

ბ) ინფორმაცია შესყიდვის ობიექტის ტექნიკური პარამეტრებისა და აღწერილობის შესახებ - დანართი #2-ის მიხედვით;

გ) ინფორმაცია შესყიდვის ობიექტის საგარანტიო ვადების შესახებ - დანართი #3-ის მიხედვით;

დ) რეკვიზიტები - დანართი #4-ის მიხედვით;

ე) შემოთავაზებული საქონლის ფოტოსურათი (კატალოგი) ან ვიდეო გამოსახულება (ვიდეორგოლი). ასევე, ინფორმაცია ძირითადი და დამატებითი ფუნქციონალურ-ხარისხობრივი მახასიათებლების შესახებ.

3. გამარტივებულ ელექტრონულ ტენდერში დოკუმენტებისა და ინფორმაციის წარმოდგენის ვალდებულება

3.1. სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-12 მუხლის მე-5 პუნქტის საფუძველზე, სატენდერო კომისია, სატენდერო დოკუმენტაციის დაზუსტების მოთხოვნის გარეშე, ახდენს პრეტენდენტის დისკვალიფიკაციას, თუ პრეტენდენტის მიერ, სატენდერო წინადადებების მიღებისათვის განსაზღვრულ ვადაში, საერთოდ არ იქნა წარმოდგენილი ტექნიკური დოკუმენტაციის 2.1. პუნქტის „ა)“ და „ბ)“ ქვეპუნქტებით გათვალისწინებული ინფორმაცია.

4. შესყიდვის ობიექტის ღირებულება

4.1. შესყიდვის ობიექტის საერთო და ერთეულის ფასი გამოსახული უნდა იქნას საქონლის მიწოდებასთან დაკავშირებული ყველა ხარჯის და საქართველოს კანონმდებლობით გათვალისწინებულ ყველა გადასახადის გათვალისწინებით;

4.2. არარეზიდენტი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ;

4.3. იმ შემთხვევაში თუ გამარტივებულ ელექტრონულ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, პრეტენდენტმა ხელშეკრულების გაფორმებამდე უნდა დაასაბუთოს ფასწარმოქმნის ადეკვატურობა და ამ ფასად ტენდერით გათვალისწინებული ვალდებულების შესრულების შესაძლებლობა.

აღნიშნულის თაობაზე პრეტენდენტი ვალდებულია უზრუნველყოს შესაბამისი დასკვნის წარმოდგენა, რომელიც გაცემული უნდა იყოს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს ან სხვა აკრედიტირებული პირის მიერ. დასკვნა წარმოდგენილი უნდა იქნას სატენდერო წინადადებასთან ერთად ან სატენდერო კომისიის მოთხოვნიდან ათი სამუშაო დღის ვადაში.

იმ შემთხვევაში, თუ დასკვნის გამცემი ორგანო არ იქნება სსიპ „ლევან სამხარაულის სახელობის სასამართლო ექსპერტიზის ეროვნული ბიურო“, პრეტენდენტმა დამატებით უნდა წარმოადგინოს ექსპერტიზის განმახიციელებელი პირის შესაბამისი აკრედიტაციის სერთიფიკატი (აკრედიტაციის სფერო უნდა ფარავდეს მოთხოვნილ მომსახურებას).

აღნიშნული ვადის გაგრძელება დაუშვებელია ნებისმიერი მიზეზით, გარდა იმ შემთხვევისა, თუ პრეტენდენტის მიერ წარმოდგენილი იქნება დასაბუთებული წერილობითი ინფორმაცია საექსპერტო დასკვნის გამცემი ორგანიზაციიდან იმის თაობაზე, რომ დასკვნის გაცემა შეფერხდა საექსპერტო დასკვნის გამცემი ორგანიზაციის ბრალეულობით. ექსპერტიზის ჩატარებასთან დაკავშირებული ხარჯების გაწევაზე და სხვა ნებისმიერი მოქმედებების დროულად განხორციელებაზე სრული პასუხისმგებლობა ეკისრება პრეტენდენტს.

ზემოაღნიშნულიდან გამომდინარე, რეკომენდაცია ეძლევა ყველა პრეტენდენტს, ვინც უშვებს შესაძლებლობას, რომ შესაძლოა ვაჭრობის დროს დააფიქსიროს ფასი, რომელიც 20%-ზე მეტით დაბალი იქნება შესყიდვის ობიექტის სავარაუდო ღირებულებაზე, წინასწარ გაარკვიოს ექსპერტიზასთან დაკავშირებული ყველა დეტალი. რაიმე სახის პრეტენზია აღნიშნულთან დაკავშირებით შემსყიდველის მიერ არ განიხილება.

5. მიწოდების ვადა და ადგილი

5.1. საქონლის მიწოდება უნდა მოხდეს ხელშეკრულების გაფორმების თარიღიდან 2016 წლის 30 დეკემბრამდე პერიოდი;

5.2. საქონლის მიწოდების ადგილია საქართველო, ხულოს მუნიციპალიტეტი, გოდერძის უღელტეხილი.

6. საქონლის ტექნიკური პარამეტრები და აღწერილობა

6.1. საქონლის ტექნიკური პარამეტრები და აღწერილობა იხილეთ შესყიდვის ობიექტის ტექნიკური პარამეტრებისა და აღწერილობის შესახებ ინფორმაციაში;

6.2. მიწოდებული საქონელი უნდა აკმაყოფილებდეს შესყიდვის ობიექტის ტექნიკური პარამეტრებისა და აღწერილობის შესახებ ინფორმაციით განსაზღვრულ მინიმალურ პარამეტრებს და მონაცემებს;

6.3. მიწოდებული საქონლის დაწუნების შემთხვევაში, მისი შეცვლა ახალი, ხარისხიანი საქონლით უნდა მოხდეს 30 (ოცდაათი) კალენდარული დღის განმავლობაში.

7. ანგარიშსწორების პირობები

7.1. ანგარიშსწორება მოხდება უნაღდო ანგარისწორებით ლარში;

7.2. ანგარიშსწორება მოხდება ერთჯერადად, საქონლის მიწოდებაზე გაფორმებული მიღება-ჩაბარების აქტის გაფორმების, სასაქონლო ზედნადების და საგადასახადო ანგარიშ-ფაქტურის წარმოდგენიდან არა უგვიანეს 5 (ხუთი) სამუშაო დღის ვადაში;

7.3. წინასწარი ანგარიშსწორება არ გამოიყენება.

8. საქონლის მიღება-ჩაბარების წესი

8.1. საქონლის მიღება-ჩაბარება იწარმოებს მიწოდებული საქონლის დასახელების, რაოდენობის, ღირებულების, ტექნიკური პარამეტრებისა და აღწერილობის მითითებით შედგენილი მიღება-ჩაბარების აქტის გაფორმების, სასაქონლო ზედნადების და საგადასახადო ანგარიშ-ფაქტურის წარმოდგენის გზით;

8.2. საქონლის მიღება-ჩაბარებასთან დაკავშირებული სხვა პირობები განსაზღვრულია სახელმწიფო შესყიდვის შესახებ ხელშეკრულების პროექტით, რომელიც თან ერთვის სატენდერო დოკუმენტაციას.

9. საქონლის მიწოდების პირობები

9.1. მიმწოდებელი ვალდებულია მიაწოდოს საქონელი ხელშეკრულებით გათვალისწინებულ ვადებში, შემსყიდველის მიერ განსაზღვრული მოთხოვნების დაცვით;

9.2. მიმწოდებელმა საქონლის ერთად შემსყიდველს უნდა მიაწოდოს შემდეგი დოკუმენტები:

ა) ინფორმაცია საგარანტიო პირობების შესახებ;

ბ) საქონლის წარმოშობის სერტიფიკატი;

9.3. მიმწოდებელი საქონლის მიწოდების მომენტისათვის საკუთარი ხარჯებით უზრუნველყოფს მის კანონმდებლობით დადგენილი წესის შესაბამისად შემსყიდველის სახელზე რეგისტრაციას;

9.4. პასუხისმგებლობა შემსყიდველის მიერ 9.2. და 9.3. პუნქტებით განსაზღვრული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება მიმწოდებელს;

9.5. მიმწოდებელმა უნდა უზრუნველყოს მიწოდების ადგილზე საქონლის გამართვა და შემოწმება.

10. გარანტია

10.1. მიმწოდებელი იძლევა გარანტიას, რომ მიწოდებული საქონელი არის ახალი (ექსპლუატაციაში არ მყოფი) და ექსპლუატაციის ნორმების დაცვის შემთხვევაში, არ გამოავლენს დეფექტებს;

10.2. მიწოდებული საქონლის სრულფასოვანი ფუნქციონირების საგარანტიო ვადის პერიოდი შეადგენს არანაკლებ თორმეტ კალენდარულ თვეს;

10.3. საგარანტიო ვადის და პირობების ათვლა იწყება საქონლის მიღება-ჩაბარების აქტის გაფორმების დღიდან;

10.4. საგარანტიო ვადის მოქმედების პერიოდში, მიმწოდებელი ვალდებულია შემსყიდველის წერილობითი შეტყობინების მიღებიდან არაუმეტეს 15 (თხუთმეტი) დღის ვადაში საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა. აღნიშნული მოთხოვნა არ ვრცელდება საქონლის ისეთ დეტალებზე, რომლებიც, სწორი ექსპლუატაციის პირობებში, განიცდის ცვეთას.

11. ხელშეკრულების შესრულების გარანტია

11.1 გამარტივებულ ელექტრონულ ტენდერში ხელშეკრულების შესრულების უზრუნველყოფის გარანტია არ გამოიყენება.

12. ტექნიკური დოკუმენტაციის მე-2 პუნქტით გათვალისწინებული დოკუმენტაცია და ინფორმაცია უნდა აიტვირთოს სახელმწიფო შესყიდვების ერთიან ელექტრონულ სისტემაში. სატენდერო წინადადების მიღებისათვის განსაზღვრულ ვადაში ან, საჭიროების შემთხვევაში, დაზუსტებაზე წარმოდგენილი დოკუმენტაცია/ინფორმაცია დამოწმებული უნდა იყოს პრეტენდენტი პირის ხელმძღვანელის (უფლებამოსილი წარმომადგენლის) ხელმოწერით და ბეჭდით (ასეთის არსებობის შემთხვევაში).

13. ყველა ინფორმაცია თუ დოკუმენტი, რომელიც აიტვირთება სახელმწიფო შესყიდვების ერთიან ელექტრონულ სისტემაში, თუ, შემსყიდველს წარედგინება ორგინალის სახით, შედგენილი უნდა იყოს ქართულ ენაზე. უცხო ენაზე შედგენილი დოკუმენტი წარმოდგენილი უნდა იქნას ქართულ ენაზე შესრულებული თარგმანის თანხლებით - ადმინისტრაციული ორგანოების მიერ გაცემული დოკუმენტები ლეგალიზებული ან აპოსტილით დამოწმებული, სხვა სახის დოკუმენტები და ინფორმაცია ნოტარიულად დამოწმებული.

14. უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტი ენიჭება ქართულ ენაზე შესრულებულ თარგმანს.

15. შესყიდვის განხორციელებასთან დაკავშირებული სხვა პირობები განსაზღვრულია სახელმწიფო შესყიდვის შესახებ ხელშეკრულების პროექტით.

16. დამატებითი ინფორმაცია დაინტერესებულ პირებს შეუძლიათ მიიღონ შემდეგი პირისაგან მალხაზ მახარაძე, სატენდერო კომისიის აპარატის წევრი; ტ. +995599922900. მისამართი: ქალაქი ბათუმი, თამარის დასახლება, ბნქ-ის ადმინისტრაციული შენობა.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც, ამავდროულად თანდართული ექნება ხელშეკრულებას, როგორც მისი განუყოფელი ნაწილი.

პ რ ო ე ქ ტ ი

ხ ე ლ შ ე კ რ უ ლ ე ბ ა

სახელმწიფო შესყიდვის შესახებ N

ქალაქი ბათუმი

2016 წელი

ერთის მხრივ შპს “Goderdzi Resorts”-ი (შემდგომში „შემსყიდველი“), წარმოდგენილი დირექტორის ჯემალ ბოლქვაძის სახით და მეორეს მხრივ „-----“ (შემდგომში „მიმწოდებელი“), წარმოდგენილი ----- სახით, „სახელმწიფო შესყიდვების შესახებ“ საქართველოს კანონის და (პრეტენდენტის დასახელება) სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადების ნომერი: კლასიფიკატორის (CPV) კოდი - 34100000) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს საქონლის მიწოდებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „ინფორმაცია ფასებისა და მიწოდების ვადების შესახებ“ - მიმწოდებლის მიერ ელექტრონული ტენდერის ფარგლებში წარმოდგენილი ფასებისა და მიწოდების ვადების შესახებ ინფორმაცია;
- 1.8. „ინფორმაცია ტექნიკური პარამეტრებისა და აღწერილობის შესახებ“ - მიმწოდებლის მიერ ელექტრონული ტენდერის ფარგლებში წარმოდგენილი ტექნიკური პარამეტრებისა და აღწერილობის შესახებ ინფორმაცია;
- 1.9. „ინფორმაცია შესყიდვის ობიექტის საგარანტიო ვადების შესახებ“ - მიმწოდებლის მიერ ელექტრონული ტენდერის ფარგლებში წარმოდგენილი შესყიდვის ობიექტის საგარანტიო ვადების შესახებ ინფორმაცია;

2. ხელშეკრულების საგანი

- 2.1. ხელშეკრულების საგანია ხულოს მუნიციპალიტეტში, გოდერძის უღელტეხილზე სამთო-სათხილამურო კურორტის ფუნქციონირებისათვის საჭირო ძრავიანი თოვლმავალი სატრანსპორტო საშუალებების (ბურანი) შესყიდვა;
- 2.2. საქონლის ზუსტი დასახელება და რაოდენობა განსაზღვრულია ფასებისა და მიწოდების ვადების შესახებ ინფორმაციით, რომელიც თან ერთვის ხელშეკრულებას და წარმოადგენს მის განუყოფელ ნაწილს;

3. ხელშეკრულების ღირებულება

- 3.1. ხელშეკრულების ღირებულება შეადგენს ---- (-----) ლარს;
- 3.2. საქონლის ერთეულის ღირებულება განსაზღვრულია ფასებისა და მიწოდების ვადების შესახებ ინფორმაციით, რომელიც თან ერთვის ხელშეკრულებას და წარმოადგენს მის განუყოფელ ნაწილს;
- 3.3. ხელშეკრულების ღირებულება მოიცავს ხელშეკრულებით გათვალისწინებული საქონლის ხელშეკრულებით განსაზღვრული პირობებით მიწოდებასთან დაკავშირებულ მიმწოდებლის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი;

3.4 არარეზიდენტი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ;

4. მიწოდების ვადა და ადგილი

4.1. საქონლის მიწოდების ვადაა ხელშეკრულების გაფორმების თარიღიდან 2016 წლის 30 დეკემბრამდე პერიოდი;

4.2. საქონლის მიწოდების ადგილია საქართველო, ხულოს მუნიციპალიტეტი, გოდერძის უღელტეხილი;

5. საქონლის მიწოდების პირობები

5.1. მიმწოდებელი ვალდებულია მიაწოდოს საქონელი ხელშეკრულებით გათვალისწინებულ ვადებში, შემსყიდველის მიერ განსაზღვრული მოთხოვნების დაცვით;

5.2. მიმწოდებელმა საქონლის ერთად შემსყიდველს უნდა მიაწოდოს ინფორმაცია საგარანტიო პირობების შესახებ და საქონლის წარმოშობის სერტიფიკატი;

5.3. მიმწოდებელი საქონლის მიწოდების მომენტისათვის საკუთარი ხარჯებით უზრუნველყოფს მის კანონმდებლობით დადგენილი წესის შესაბამისად შემსყიდველის სახელზე რეგისტრაციას;

5.4. პასუხისმგებლობა შემსყიდველის მიერ 5.2. და 5.3. პუნქტებით განსაზღვრული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება მიმწოდებელს;

5.5. მიმწოდებელმა საკუთარი სერვის მომსახურების ჯგუფებით და უნდა განახორციელოს გეგმიური და არაგეგმიური ტექნიკური მომსახურებები. ასევე, საჭიროების შემთხვევაში მიმწოდებელმა უნდა განახორციელოს მარაგნაწილების მიწოდება;

5.6. მიმწოდებელმა უნდა უზრუნველყოს მიწოდების ადგილზე საქონლის გამართვა და შემოწმება;

5.7. საქონლის ტექნიკური პარამეტრები და აღწერილობა განსაზღვრულია ტექნიკური პარამეტრებისა და აღწერილობის შესახებ ინფორმაციით, რომელიც თან ერთვის ხელშეკრულებას და წარმოადგენს მის განუყოფელ ნაწილს;

5.8. მიწოდებული საქონელი სრულად უნდა შეესაბამებოდეს ტექნიკური პარამეტრებისა და აღწერილობის შესახებ ინფორმაციით განსაზღვრულ პარამეტრებს და მონაცემებს;

5.9. მიწოდებული საქონლის დაწუნების შემთხვევაში, მისი შეცვლა ახალი, ხარისხიანი საქონლით უნდა მოხდეს 30 (ოცდაათი) კალენდარული დღის განმავლობაში;

6. საქონლის მიღება-ჩაბარების წესი

6.1. საქონლის მიღება-ჩაბარებას ახორციელებენ სათანადოდ უფლებამოსილი პირები;

6.2. შემსყიდველის მხრიდან საქონლის მიღება-ჩაბარებაზე უფლებამოსილია ხელშეკრულების შესრულების კონტროლის განმახორციელებელი პირები;

6.3. საქონელი ჩაითვლება მიღებულად მიწოდებული საქონლის დასახელების, რაოდენობისა და ღირებულების მითითებით შედგენილი მიღება-ჩაბარების აქტის გაფორმების, სასაქონლო ზედნადების და საგადასახადო ანგარიშ-ფაქტურის წარმოდგენის შემდეგ;

6.4. შემსყიდველმა უნდა შეამოწმოს საქონელი ხელშეკრულების პირობებთან მიმართებაში;

6.5. თუ საქონელი არ შეესაბამება ხელშეკრულების პირობებს, შემსყიდველი მიმწოდებელთან ერთად, ან მის გარეშე, ადგენს აქტს დადგენილი წესის შესაბამისად;

6.6. შემსყიდველი ვალდებულია ოპერატიულად, წერილობითი სახით აცნობოს მიმწოდებელს შემოწმების შედეგები, დაწუნებული საქონლის რაოდენობისა და წუნდების მიზეზის მითითებით;

7. გარანტია

7.1. მიმწოდებელი იძლევა გარანტიას, რომ მიწოდებული საქონელი არის ახალი (ექსპლუატაციაში არ მყოფი) და ექსპლუატაციის ნორმების დაცვის შემთხვევაში, არ გამოავლენს დეფექტებს;

7.2. მიწოდებული საქონლის სრულფასოვანი ფუნქციონირების საგარანტიო ვადის პერიოდი შეადგენს არანაკლებ თორმეტ კალენდარულ თვეს;

7.3. საგარანტიო ვადის მოქმედების პერიოდში, მიმწოდებელი ვალდებულია შემსყიდველის წერილობითი შეტყობინების მიღებიდან არაუმეტეს 15 (თხუთმეტი) დღის ვადაში საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა. აღნიშნული მოთხოვნა არ ვრცელდება საქონლის ისეთ დეტალებზე, რომლებიც, სწორი ექსპლუატაციის პირობებში, განიცდის ცვეთას;

7.4. საგარანტიო ვადის და პირობების ათვლა იწყება საქონლის მიღება-ჩაბარების აქტის გაფორმების დღიდან;

8. ანგარიშსწორების ფორმა, წესი და ვადები

8.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე ეროვნულ ვალუტაში;

8.2. ანგარიშსწორება მოხდება ერთჯერადად, საქონლის მე-5 პუნქტით განსაზღვრული პირობებით მიწოდების და მე-6 პუნქტით განსაზღვრული დოკუმენტაციის წარმოდგენიდან არა უგვიანეს 5 (ხუთი) სამუშაო დღის ვადაში;

9. ხელშეკრულების შესრულების კონტროლი

9.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი;

9.2. შემსყიდველის მხრიდან ხელშეკრულების შესრულების კონტროლს ახორციელებს შპს „Goderdzi Resorts“-ის შესყიდვების მენეჯერი მალხაზ მახარაძე;

9.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ;

9.4. კონტროლი ხორციელდება როგორც შუალედური ფორმით – საქონლის მიწოდების პროცესში, ისე, მისი დამთავრების შემდგომ, მიღება-ჩაბარებისას;

9.5. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა;

10. მხარეთა პასუხისმგებლობა ხელშეკრულების პირობების შეუსრულებლობისათვის

10.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე ხელშეკრულების ღირებულების 0.02 პროცენტის ოდენობით;

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება;

10.3. შემსყიდველი დარიცხული პირგასამტეხლოს თანხის დაკავებას შესაბამისი წერილობითი შეტყობინების საფუძველზე ახორციელებს მიმწოდებელზე ასანაზღაურებელი მიწოდებული საქონლის ღირებულებიდან;

10.4. იმ შემთხვევაში, თუ დარიცხული პირგასამტეხლოს თანხა აღემატება მიმწოდებელზე ასანაზღაურებელი მიწოდებული საქონლის ღირებულებას, მიმწოდებელი ვალდებულია პირგასამტეხლოს თანხა ჩარიცხოს შეტყობინებაში მითითებულ საბანკო ანგარიშზე შეტყობინების მიღებიდან ათი სამუშაო დღის განმავლობაში;

10.5. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან;

11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ;

11.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი;

11.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ;

11.4. 11.3. მუხლით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან;

11.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე;

12. ხელშეკრულებაში ცვლილებების შეტანა

- 12.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;
- 12.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;
- 12.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;
- 12.4. თუ რაიმე წინასწარ გათვალისწინებულის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

13. ხელშეკრულების შეწყვეტა

- 13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:
- ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;
 - ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
 - გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - დ) საქართველოს კანონმდებლობით გათვალისწინებულ სხვა შემთხვევებში;
- 13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან;
- 13.3. ხელშეკრულების 13.1 მუხლში მითითებულ შემთხვევებში შემსყიდველი ვალდებულია მიმწოდებელს აუნაზღაუროს ფაქტიურად მიწოდებული საქონლის ღირებულება;
- 13.4. შემსყიდველი ვალდებულია არანაკლებ 3 სამუშაო დღით ადრე წერილობით აცნობოს მიმწოდებელს 13.1. მუხლით გათვალისწინებული გადაწყვეტილების მიღების განზრახვის თაობაზე;
- 13.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე;

14. ხელშეკრულების შესრულების და წინასწარი გადახდის უზრუნველყოფის გარანტია

- 14.1. ხელშეკრულების შესრულების უზრუნველყოფის გარანტია არ გამოიყენება;
- 14.2. წინასწარი ანგარიშსწორება არ გამოიყენება;

15. სადაო საკითხების გადაწყვეტა

- 15.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;
- 15.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს;

16. სხვა პირობები

- 16.1. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს;
- 16.2. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად;
- 16.3. მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან საბოლოო დანიშნულების ადგილამდე ტრანსპორტირების პროცესში;
- 16.4. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით;

16.6. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება;

16.7. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულება ქართულ ენაზე;

16.8. უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტი ენიჭება ქართულ ენაზე შესრულებულ თარგმანს;

16.9. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომლებიც ინახება მხარეებთან;

17. ხელშეკრულების მოქმედების ვადა

17.1. ხელშეკრულებადლაში შედის ხელშეკრულების თავში მითითებული თარიღიდან და მოქმედებს 2017 წლის 01 თებერვლამდე;

17.2. ხელშეკრულებით ნაკისრი ვალდებულებების შესრულების მოთხოვნის უფლება ძალაში რჩება ხელშეკრულების მოქმედების ვადის გასვლის შემდეგაც;

18. მხარეთარეკვიზიტები

<u>„შემსყიდველი“</u>	<u>„მიმწოდებელი“</u>
შპს “Goderdzi Resorts”	
მისამართი: ქ. ბათუმი, თამარის დასახლება, ზნქ-ის ადმინისტრაციული შენობა	მისამართი:
საბანკო რეკვიზიტები:	საბანკო რეკვიზიტები:
სს თიბისი ბანკი	
ბანკის კოდი – TBCBGE22	
ა/ნ – GE12TB7015036080100001	
საიდენტიფიკაციო კოდი - 245 629 388	
დირექტორი	
_____ /ჯემალ ბოლქვაძე/ ბ. ა.	

ინფორმაცია ფასებისა და მიწოდების ვადების შესახებ
გოდერძის უღელტეხილზე სამთო-სათხილამურო კურორტის ფუნქციონირებისათვის
საჭირო ძრავიანი თოვლმავალი სატრანსპორტო საშუალებების (ბურანი) შესყიდვა

(პრეტენდენტის დასახელება)

(შევსების თარიღი)

1. წინა და უკანა სვლის რეჟიმში მომუშავე ერთადგილიანი ძრავიანი თოვლმავალი სატრანსპორტო საშუალება (ბურანი);
2. წინა და უკანა სვლის რეჟიმში მომუშავე ორადგილიანი ძრავიანი თოვლმავალი სატრანსპორტო საშუალება (ბურანი);

#	დასახელება	განზო-ბა	რაოდენობა	ღირებულება (ლარი)		მიწოდების ვადა
				ერთეული	სულ	
1	ერთადგილიანი ძრავიანი თოვლმავალი სატრანსპორტო საშუალება (ბურანი)	ცალი	1			
2	ორადგილიანი ძრავიანი თოვლმავალი სატრანსპორტო საშუალება (ბურანი)	ცალი	1			
ჯამი						

შენიშვნა:

1. მიწოდებული საქონელი უნდა იყოს ახალი - ექსპლუატაციაში არ მყოფი;
2. მიწოდების ვადაა ხელშეკრულების გაფორმების თარიღიდან 2016 წლის 30 დეკემბრამდე პერიოდი;
3. 2017 წლის მოდელი.

პრეტენდენტის ხელმოწერა _____

ბ.ა.

ინფორმაცია ტექნიკური პარამეტრებისა და აღწერილობის შესახებ
გოდერძის უღელტეხილზე სამთო-სათხილამურო კურორტის ფუნქციონირებისათვის
საჭირო ძრავიანი თოვლმავალი სატრანსპორტო საშუალებების (ბურანი) შესყიდვა

(პრეტენდენტის დასახელება)

(შევსების თარიღი)

1. წინა და უკანა სვლის რეჟიმში მომუშავე ერთადგილიანი ძრავიანი თოვლმავალი სატრანსპორტო საშუალება (ბურანი);
2. წინა და უკანა სვლის რეჟიმში მომუშავე ორადგილიანი ძრავიანი თოვლმავალი სატრანსპორტო საშუალება (ბურანი);

საქონლის დასახელება	წარმოშობის ქვეყანა	მოდელი	ტექნიკური მახასიათებელი	პარამეტრი
ერთადგილიანი ძრავიანი თოვლმავალი სატრანსპორტო საშუალება (ბურანი)			ძრავის ტიპი	არანაკლებ 2 ტაქტიანი, ორცილინდრიანი
			ძრავის მოცულობა	არანაკლებ 840 კუბ.სმ.
			ძრავის მაქსიმალური ბრ/წთ	7900 ბრ/წთ
			ძრავის გაგრილება	სითხით
			საწვავის ტიპი	ბენზინი
			საწვავის მიწოდება	ელექტრონული პირდაპირი ინექცია დამატებითი გამამდიერებელი ინჟექტორით
			ტრანსმისია	ვარიატორული გადაცემა (ღვედით)
			საწვავის ავზის ტევადობა	არანაკლებ 35 ლ.
			გაბარიტული ზომები	სიგრძე 3555 მმ +/- 100 მმ სიგანე 1055მმ +/- 100 მმ სიმაღლე 1375მმ +/- 100 მმ
			მშრალი წონა	არაუმეტეს 200 კგ.
			მართვის პანელი	მულტიფუნქციური (ციფრული სპიდომეტრი, ტახომეტრი, საწვავის დონის მაჩვენებელი, ძრავის ტემპერატურის მაჩვენებელი);
			მუხლუხოს გაბარიტული ზომები	სიგანე 405 მმ +/- 25 მმ სიგრძე 4175 მმ +/- 100 მმ
			მუხლუხოს ზედაპირზე ჩაჭიდება (სიმაღლე)	75 მმ +/- 10 მმ
			მანძილი თხილამურებს შორის	895 მმ +/- 50 მმ
			თხილამურების სიგრძე	1040 მმ +/- 50 მმ
			წინა დაკიდების სვლა	210 მმ +/- 10 მმ
			უკანა დაკიდების სვლა	230 მმ +/- 10 მმ
			აღჭურვილობა/კომპლექტაცია	თბობადი გაზის ლილაკი სახელურების გათბობა ელექტრონული უკუსვლა გვერდითი ფეხის სადგამები მძღოლის ჩაფხუტი და ხელთათმანი

ორადგილიანი ძრავიანი თოვლმავალი სატრანსპორტო საშუალება (ბურანი)			ძრავის ტიპი	არანაკლებ 4 ტაქტიანი, სამცილინდრიანი
			ძრავის მოცულობა	არანაკლებ 895 კმ.სმ.
			ძრავის მაქსიმალური ბრ/წთ	7250 ბრ/წთ
			ძრავის გაგრილება	სითხით
			ამძრავი (სტარტერი)	ელექტრო
			საწვავის ტიპი	ბენზინი
			საწვავის მიწოდება	ელექტრონული ინექცია
			ტრანსმისია	ვარიატორული გადაცემა (ღვედით) უკუსვლით
			საწვავის ავზის ტევადობა	არანაკლებ 40 ლ.
			გაბარიტული ზომები	სიგრძე 3325მმ +/- 100 მმ სიგანე 1200 მმ +/- 100 მმ სიმაღლე 1275 მმ +/- 100 მმ
			მშრალი წონა	არაუმეტეს 255 კგ.
			მართვის პანელი	მულტიფუნქციური (ციფრული სპიდომეტრი, ტახომეტრი, საწვავის დონის მაჩვენებელი, ძრავის ტემპერატურის მაჩვენებელი);
			მუხლუხოს გაბარიტული ზომები	სიგანე 405 მმ +/- 25 მმ სიგრძე 3920მმ +/- 100 მმ
			მუხლუხოს ზედაპირზე ჩაჭიდება (სიმაღლე)	არანაკლებ 38 მმ +/- 10 მმ
			მანძილი თხილამურებს შორის	1015 მმ +/- 50 მმ
			თხილამურების სიგრძე	1040 მმ +/- 50 მმ
			წინა დაკიდების სვლა	210 მმ +/- 10 მმ
			უკანა დაკიდების სვლა	230 მმ +/- 10 მმ
			აღჭურვილობა/კომპლექტაცია	საქარე მინა თბობადი გაზის ღილაკი სახელურების გათბობა გვერდითი ფეხის სადგამები მგზავრის საზურგე და სახელურები საბუქსირე და თარო მძღოლის ჩაფხუტი და ხელთათმანი

შენიშვნა:

1. მიწოდებული საქონელი უნდა იყოს ახალი - ექსპლუატაციაში არ მყოფი;
2. მიწოდების ვადაა ხელშეკრულების გაფორმების თარიღიდან 2016 წლის 30 დეკემბრამდე პერიოდი;
3. 2017 წლის მოდელი.

პრეტენდენტის ხელმოწერა _____

ბ.ა.

ინფორმაცია საგარანტიო ვადების შესახებ

გოდერძის უღელტეხილზე სამთო-სათხილამურო კურორტის ფუნქციონირებისათვის
საჭირო ძრავიანი თოვლმავალი სატრანსპორტო საშუალებების (ბურანი) შესყიდვა

1. წინა და უკანა სვლის რეჟიმში მომუშავე ერთადგილიანი ძრავიანი თოვლმავალი სატრანსპორტო საშუალება (ბურანი);
2. წინა და უკანა სვლის რეჟიმში მომუშავე ორადგილიანი ძრავიანი თოვლმავალი სატრანსპორტო საშუალება (ბურანი);

(პრეტენდენტის დასახელება)

(შევსების თარიღი)

#	დასახელება	საგარანტიო ვადა		
		განზომილება	მინიმალური ვადა	შემოთავაზებული ვადა
1	ერთადგილიანი ძრავიანი თოვლმავალი სატრანსპორტო საშუალება (ბურანი)	კალენდარული თვე	12	
2	ორადგილიანი ძრავიანი თოვლმავალი სატრანსპორტო საშუალება (ბურანი)	კალენდარული თვე	12	

შენიშვნა:

1. მიწოდებული საქონელი უნდა იყოს ახალი - ექსპლუატაციაში არ მყოფი;
2. მიწოდების ვადაა ხელშეკრულების გაფორმების თარიღიდან 2016 წლის 30 დეკემბრამდე პერიოდი;
3. 2017 წლის მოდელი.

პრეტენდენტის ხელმოწერა _____

ბ.ა.

პრეტენდენტის მიერ წარმოსადგენი რეკვიზიტების ჩამონათვალი

სამართლებრივი ფორმა:

საფირმო სახელწოდება:

იურიდიული მისამართი:

ფაქტობრივი მისამართი:

საიდენტიფიკაციო კოდი:

ელექტრონული ფოსტის მისამართი:

ტელეფონის ნომერი:

მომსახურე ბანკის დასახელება:

მომსახურე ბანკის მფო:

ანგარიშსწორების ანგარიშის ნომერი:

ხელმძღვანელობაზე უფლებამოსილი პირი
(სახელი და გვარი)

ხელმძღვანელობაზე უფლებამოსილი პირის
მობილური ტელეფონის ნომერი:

ხელმოწერა _____

ბ.ა